

ЎЗБЕКИСТОН ПРЕЗИДЕНТИ АШХОБОДГА КЕЛДИ

Ўзбекистон Республикаси Президенти Шавкат Мирзиёев Туркменистон Президенти Сердар Бердимухамедовнинг таклифига биноан расмий ташриф билан ушбу мамлакатга келди.

Ашхобод халқаро аэропортида давлатимиз раҳбарини Туркменистон Вазирлар Маҳкамаси Раисининг ўринбосари Ботир Абдуев ва бошқа расмий шахслар кутиб олди. Қисқа суҳбатдан сўнг Ўзбекистон

Президенти ўзи учун ажратилган қароргоҳга йўл олди. Ташрифнинг асосий тадбирлари эртага, 21 октябрь кuni бўлиб ўтади.

ЎЗ

МУНОСАБАТ



Ўзбекистоннинг дўстона, тинчликпарвар ташқи сиёсатида Туркменистон муҳим аҳамиятга эга бўлиб, ўзаро алоқалар стратегик шерикчилик даражасига чиқди.

ЎЗАРО ВА МИНТАҚАВИЙ МАНФААТЛАРГА АСОСЛАНГАН ҲАМКОРЛИКНИНГ ЯНГИ БОСҚИЧИГА ҚАДАМ ҚЎЙИЛМОҚДА

Бу алоқалар 2017 йилдан бошлаб янада фаоллашди. Шавкат Мирзиёев Президент этиб сайлангандан кейин биринчи давлат ташрифи Туркменистонга бўлди. Давлат раҳбарлари ўртасида шаклланган очиқлик, ишонч ва ҳурмат асосида мулоқот олиб бориш ҳамда ўзбек ва туркман халқлари ўртасидаги дўстлик, яхши қўшничилик тамойиллари янги bosқичга кирди.

Президентимизнинг бу галги расмий ташрифи бир томондан муносабатларнинг изчил ривожланиб бораётганини аниқлатса, иккинчи томондан дунёда янги сиёсий тартиботлар вужудга келаётган бир шароитда ҳамкорликнинг очилмаган қирраларини ишга солиш, истиқболли лойиҳаларни амалга оширишнинг сиёсий-дипломатик, ижтимоий-гуманитар, маданий-маърифий ва савдо-иқтисодий механизмларини пайдо

қилади. Шунингдек, икки давлат ўртасидаги стратегик шерикликни бугунги кун талаблари ва шарт-шароитлари асосида янги bosқичга олиб чиқишни ҳар томонлама муҳокама қилиш ва ривожлантириш майдонига айланади. Халқаро доирада бир-бирини қўллаб-қувватлаб изчил сиёсат олиб бориш, икки давлатнинг халқаро ва минтақавий ташкилотлар доирасида кўп томонлама, фаол мулоқотини давом эттиришга янги имкониятлар очади.

Ўзбекистоннинг Афғонистонда тинчлик ва хавфсизликни таъминлаш, бу мамлакатни Марказий Осиё инфраструктураларига жалб этиш ташаббусини амалга ошириш Туркменистон билан савдо-иқтисодий, транспорт-логистика ва энергетика алоқаларини тиклашда муҳим аҳамиятга эга.

Давоми 2-бетда

ЎЗБЕКИСТОН ХАЛҚИГА БАЙРАМ ТАБРИГИ

Муҳтарам ватандошлар! Аввало, Сиз, азизларни бугунги кўнгу айём — Ўзбек тили байрами билан чин қалбидан самимий муборакбод этаман.

Инсон учун киндик қони томган Ватани, дунёга келтириб воёга етказган отанаси қанчалик азиз ва муқаррам бўлса, унинг ўзлиги ва маънавий олами билан белгилайдиган она тили ҳам шунчалик қадрли ва муътабардир.

Қадим туркий тилимизни илк бор илмий асосда тадқиқ этган буюк аллома Маҳмуд Кошғарийнинг: **“Эрдэм боши тилдур”**, яъни **“Барча эзгуликлар тилдан бошланур”**, деган сўзларида теран ҳақиқат мужассам. Дарҳақиқат, одамзод қалбидаги жамми олижаноб фазилатлар она тилининг бетакорр муъжизаси, сеҳри ва жозибаси билан камолга етади.

Халқимиз тафаккурининг тиниқ кўзгуси бўлган бу бебаҳо хазинани асраб-авайлаш ва ривожлантириш бугунги кундаги энг шарафли вазифаларимиздан биридир.

Улуғ мутафаккир Мир Алишер Навоий бобомизнинг: **“Тилга эътибор — элга эътибор”**, деган доно ўғитларига амал қилган ҳолда, юртимизда тил масаласида олиб борилаётган давлат сиёсати инсон қадрини улуғлашга қаратилган туб ислохотларимизга ҳар томонлама уйғун ва ҳамохандир.

Сўнги йилларда мамлакатимизда ўзбек тилини ривожлантириш, унинг ҳаётимиздаги ўрни ва таъсирини ошириш борасида янги bosқич бошланди, десак, айна ҳақиқат бўлади.

Хусусан, 21 октябрь — Ўзбек тили байрами кuni деб белгилангани унутилмас, тарихий воқеага айланади. Давлат тилининг нуфузи ва макмини юксалтиришга қаратилган фармон ва қарорлар,

меъёрий ҳужжатлар қабул қилинди. Ушбу йўналишда 2020-2030 йилларга мўлжалланган концепция ва алоҳида дастур ҳаётга жорий этилмоқда.

Бу ҳақда гапирганда, яқинда қабул қилинган тегишли қонунларга асосан реклама ва тарғибот материалларини давлат тилида эълон қилиш тартиблари ҳамда давлат фуқаролик хизматига қабул қилишда ўзбек тилини билиш даражаси бўйича аниқ талаблар белгилангани таъкидлаш лозим.

Вазирлар Маҳкамаси таркибиде Маънавият ва давлат тилини ривожлантириш масалалари департаментининг фаолияти йўлга қўйилди. Марказда ва жойларда давлат тилини ўргатиш курслари иш олиб бормоқда.

Қисқа вақт ичида беш жылдик **“Ўзбек тилининг изоҳли луғати”**, ўндан ортиқ соҳага оид атамалар луғатлари, ўттиз жылдик **“Истиклол даври ўзбек навоийшунослиги”** тадқиқотлар мажмуаси яратилди.

Шу кунларда она тилимизда **“Туркий адабиёт дурдоналари”** номли юз жыллик мухташам тўплам нашрдан чиқаётгани, фаол ва истеъдодли ёшларимизнинг саъй-ҳаракатлари билан Интернет тармоғидаги ўзбекча маълумотлар электрон базаси бойитиб борилаётгани қувонарли ҳол, албатта.

Ўзбек мумтоз ва замонавий адабиётининг сара намуналари хорижий тилларга таржима қилиниб, чет эллик китобхонларнинг ҳам эътиборини қозонмоқда. Истеъдодли олим ва ижодкорларимиз қаламига мансуб илмий ва бадиий асарлар нуфузли халқаро мукофотларга сазовор бўлмоқда.

Хорижий давлатлар ўқувчилари ўртасида Ўзбек тили ва адабиёти халқаро олимпиадасини ўтказиш йўлга қўйилгани

ҳам она тилимизни кенг тарғиб қилишга хизмат қилмоқда.

Бугунги кунда жаҳон миқёсида 50 миллионга яқин киши ўзбек тилида сўзлашмоқда. Кўплаб мамлакатларда бу гўзал ва жозибали тил катта иштиёқ билан ўрганилмоқда.

Айни пайтда, мамлакатимизда истиқомат қилаётган турли миллат ва элатларнинг тили, маданияти ва қадриятларини асраб-авайлаш ҳамда ривожлантиришга муҳим аҳамият қаратилмоқда. Биз бу йўналишда олиб бораётган ишларимизни келгусида ҳам изчил давом эттирамиз.

Хурматли дўстлар!

Ҳаммамизга аёнки, кўп миллатли халқимизни юксак маърифатли жамият барпо этишдек эзгу мақсад йўлида жипслаштириш, юртдошларимиз қалбига ягона Ватан, умумий фаровон келажак туғдусини синдиришда ўзбек тили бирлаштирувчи аҳамиятга эгадир.

Шу боис, Янги Ўзбекистонни ҳар томонлама тараққий эттириш, Учинчи юксалиш даври пойдеворини яратишга қаратилган тарихий ислохотлар жараёнида ўзбек тилини ривожлантириш бўйича белгилаб олган вазифаларимизни изчил давом эттиришимиз лозим.

Бугунги кунда ёшларимизнинг дунёқарши, одоб-ахлоқи ва нутқ маданиятига салбий таъсир кўрсатаётган иллатлар, айниқса, турли электрон воситалар орқали тобора кучайиб бораётган маънавий таҳдидларга қарши маърифат ва илм билан самарали кураш олиб бориш ҳаётий заруратга айланган.

Бу борада ахборот-коммуникация технологияларининг тилини ўзбекчалаштириш, бутунжаҳон Интернет тармоғидаги миллий сегментни янада бойитиш, ўзбек ва хорижий тиллар бўйича

луғат ва сўзлашгичларнинг янги авлодини яратиш кечиктириб бўлмас вазифаларимиз сирасига кирилади.

Жаҳон тараққиёти ютуқлари ва қимматли манбаларни ўзбек тилига таржима қилиш орқали она тилимизни илмфан ва инновациялар тили сифатида ривожлантириш учун мустаҳкам замин яратишимиз зарур.

Шу маънода, XX аср бошида яшаб ижод қилган, ўзбек, араб, форс, ҳинд, турк ва рус тилларидаги сўзларни ўз ичига олган бебаҳо луғат китобини яратган маърифатпарвар бобомиз Исҳоқхон Ибратнинг: **“Бизнинг ёшлар албатта бошқа тилни билиш учун саъй-ҳаракат қилсинлар, лекин аввал ўз она тилини кўзларига тўтиё қилиб, эҳтиром кўрсатсинлар. Зеро, ўз тилига садоқат — бу Ватаний ишдир”**, деган ҳикматли сўзлари биз учун муҳим дастуриламал, ҳаёт йўлимизни ёритадиган маёқ бўлиб хизмат қилиши керак.

Фурсатдан фойдаланиб, миллий ўзлимиз ва ғуруримиз тисоли бўлган она тилимизни асраб-авайлаш ва ривожлантиришдек шарафли ишга муносиб ҳисса қўшиб келаётган барча фидойи ватандошларимизга чин қалбдан миннатдорлик билдираман.

Азиз юртдошлар! Сизларни яна бир бор Ўзбек тили байрами билан самимий кўтлаб, барчангизга мустаҳкам саломатлик, оилангизга кўт-баракат, тинчлик ва омонлик тилайман.

Она тилимизнинг сўнмас зиёси онгу тафаккуримиз, қалбларимизни ҳаммиша ёритиб турсин!

Шавкат МИРЗИЁЕВ,
Ўзбекистон Республикаси
Президенти

21 ОКТАБРЬ — ЎЗБЕК ТИЛИ БАЙРАМИ КУНИ

ВАТАНГА ЭҲТИРОМ ВА САДОҚАТ РАМЗИ



Ҳақими Йўлдошев олган сурат.

Юртимиз яна бир улуг байрам — 21 октябрь кuni ўзбек тилига давлат тили мақоми берилганининг 33 йиллигини нишонламоқда. Маълумки, ҳар бир халқнинг тили шу давлатнинг тисоли, мулки, руҳи, маданий ва маънавий бойлиги, қолаверса, шу миллат маданияти, урф-одади, турмуш тарзини ифодолловчи энг муҳим воситадир. Шукрки, мустақиллик шарофати билан она тилимиз, бебаҳо бойлигимиз ўзимизга қайтди. Бу йўлда не-не ажодларимиз заҳмат кечиб, меҳнат қилмаган, умрларини бағишламаган дейсиз.

Маҳмуд Кошғарий, Юсуф Хос Ҳожиб, Аҳмад Югнакий каби алломаларимиз тилимиз қаддини тиклашда фидойилик кўрсатгани тарихдан маълум. Улуғ мутафаккир бобомиз Ҳазрат Алишер Навоий ўзбек тилининг ўз даврида таомилда бўлган бошқа тиллардан асло қолишмаслигини, аксинча, энг бой ва қадимий тил эканини асарлари, хусусан, беш дostonдан иборат **“Хамса”**си орқали исботлаб берган. Бинобарин, бу тилининг **“Навоий тили”** деб аталиши ҳам бежиз эмас.

Давоми 5-бетда

ЖАМИЯТИМИЗНИНГ ЯНГИ ҚИЁФАСИ

МАҲАЛЛАЛАРДАГИ ЭВРИЛИШ

ОДАМЛАР ОНГУ ТАФАККУРИГА ДАХЛДОРЛИК ҲИССИ БЎЛИБ СИНГМОҚДА



Мамлакат иқтисодий ривожини белгилловчи омиллар кўп. Улардан энг асосийлари халқнинг турмуш тарзи, даромади, оилалар фаровонлиги, бандлик масаласи ҳамда камбағаллик даражаси кўрсаткичларидир. Халқаро стандартларга кўра, бу мезонларда ҳар бир фуқаро — кам таъминланган инсондан тортиб, бой аҳоли қатламигача ҳисобга олинади.

Жаҳон таърибисиде бу кўрсаткичларни аниқловчи ва доимий кузатиб боровчи турли усуллар мавжуд. Уларнинг айримларидан Ўзбекистонда ҳам фойдаланилади. Аммо мамлакатимиз бу борада алоҳида йўналишга ҳам эгаки, сўнги йилларда янгидан шаклланаётган маҳалла институти, дунёда муқобили бўлмаган **“маҳаллабай”** ишлаш тизими иқтисодий жараёнларнинг фаоллашувида етакчи механизмга айланиб бормоқда.

Давоми 3-бетда

КУН МАВЗУСИ

“ЯШИЛ” ИННОВАЦИЯ ВА ТЕХНОЛОГИЯЛАР ИҚТИСОДИЙ ЮКСАЛИШ ПИЛЛАПОЯСИ



4-бетга қаранг.

